

NZIA MBUTHU YA KUTANGIWA

Munyanyawa; nienda ngukulye undu wa vata muno mbee wa maundu ala angi onthe, nthini wa thayu waku. Utanu kana woo waku wa tene na tene, wi mokoni ma undu usu nguukulya. Na w'o ni atii: We wi MUTANGIIE? Ndyuukukulya kana we nuendaa ikanisani ina kuvoya na kuthaitha, indi niukulya wi MUTANGIIE? O na ndinaukulya kana wi museo kana wi muthuku, indi ni kana we wi MUTANGIIE. Vatii mundu utonya kutania moathimo ma Ngai, kana kuthi Ituni, ate o e mutangiie. Mwiaii Yesu akineena na Nikotemu amwiie, **“Muvaka musyawe ingi ya keli”** (Yoana 3:7). Ngai nutunengete nzia mbuthu ya kutangiwa nayo; na vatii ingi, na wamiatiia nutonya kutangiwa UMUNTHI.

Undu wa mbee, munyanyawa: no movaka umanye kana we wi MWENE NAI. **“Kui mulungalu, aiee, o na umwe,”** Alomi 3:10. **“Nundu kui kivathukan'yo; nundu onthe nimeekie nai, na maivikiaa utaio wa Ngai,”** Alomi 3:22,23.

Ndutonya kutangiwa ate o woona kana we wi MWENE NAI. Na nundu we wi mwene nai, wi MUISILILE KUKW'A. **“Nundu ituvi ya nai nikikw'u,”** Alomi 6:23; **“Nai yeana isyaa kikw'u,”** Yakovo 1:15. Uu ni kwasya kana we mwene nai ukavathanwa na Ngai, wikalae uimuni kuvika TENE NA TENE. Asi, usu ni undu uthuku muno; indi munyanyawa manya kana ni undu wa w'o. Indi, nundu Ngai niwakwendie muno, niwaumisye Mwana Wake e Umwe, ooka akue nai syaku, na akw'a kwondu waku. **“Ula [Yesu] utaamanya nai amutwie kwithiwa nai kwondu witu; ni kana ithyi tutw'ike ulungalu wa Ngai nthini wake,”** 2 Akolintho 5:21. **“Nake mwene akua nai situ mwiini wake, mutini iulu, ni kana ithyi, tukw'ite kwa nai, twithiwe thayu kwa ulungalu; na kwondu wa makunwa make, nimwavoiv'e,”** 1 Vetelo 2:24. Yesu ai no movaka akw'e, na akitikya NTHAKAME YAKE. **“Nundu thayu wa mwii wi nthakameni,”** Alivai 17:11. **“Vate KWITIKA NTHAKAME uekeo ndwoneka,”** Aevelania 9:22.

Indi o na vala tutatonya kumanya undu Ngai wamwiliilile Mwiaii Yesu nai situ, nitusomaa NDETONI SYA NGAI kana uu ni w'o. Kwondu wa uu, munyanyawa, NAI SYAKU NISYAMINIE kwiliilwa vala ve Yesu, nake niwakw'ie kwondu WAKU. Uu ni w'o. Ngai ndatonya kuneena uvungu.

Munene wa kolokolo musyini wa Vilivi, amukulilye Vaulo na Sila, **“Niika ata ni kana ndangiwe? Nao mamwia, 'Mwitikile Mwiaii Yesu, na nuutangiiwa we na nyumba yaku,”** Meko 16:30,31. Kwa uu, ika o kumwitikila Mwiaii Yesu, wisi ki kana niwe wakwiie NAI SYAKU, AKW'A vandu vaku, athikwa, na athayukw'a ni kana we UTW'IKITHW'E MULUNGALU. Umwikaile oyu tui, **“Nundu o ula ukekaila syitwa ya Mwiaii, nukatangiwa,”** Alomi 10:13.

Mboya ya mbee ya mundu mwene nai, ninenganitwe vu ivukuni ya Luka 18:13, **“Ngai, mbiw'ia tei; ni MWATHE NYIE.”** Yuyu we wi mwene nai, na wi na woo nundu wa nai isu. Indi oyu tui, o vu vala ui, ukilya ngoo yaku kula kwi Ngai, umuvoye. Ti nginya uvoye mboya ndaasa nundu Ngai nukwenda ukutangiiia. Ika o kwasya, **“Ame Ngai, nyie ni mundu mwene nai, na ningwiw'a woo nundu wa nai syakwa, MBIW'IA TEI, na UKINDANGIIA, kwondu wa Yesu Klisto. Wamina uu, itikila kana w'o ki o undu uneenete ndetoni Syake, ukeethiwa. “Nundu, O ula [vamwe naku we] ukekaila syitwa ya Mwiaii, nukatangiwa”** (ti ai nokwithiwa e tangaiiwa: indi ni w'o ki, nukatangiwa), Alomi 10:13.

Ika o kwitikila Ngai kwianana na undu uneenete NDETONI Syake. Wamina kwika undu waitye, OSA UTANGIIO KWA MUIKIIIO, kwianana na NDETO YAKE. MWITIKILE NA UKATANGIWA. Ti ikanisa, kana nyumba, kana meko maseo, matonya kuutangiiia: indi no Yesu Klisto weka, nowe utonya ukutangiiia.

Nzia ii mbuthu ya utangiiio iilyi uu: WE WI MWENE NAI, na kwa undu wa uu, UKAKW'A, walea kumwitikila Yesu Klisto akutangiie, Yesu niwe woaiwe vandu vaku, na enziwa nthi,

na athayuka ingi. Ika o kumwikaila Ngai, uimanya kana we wi mwene nai, na uimukulya ni kana autangiie kwondu wa Yesu Klisto. Weeka uu, ITIKILA KWA MUIKIIIO KANA YUYU NIWATANGIWA. Indi nokwithiwa ukasya, “Asi, usu ti w’o w’oka wa kwika ni kana mundu atangiwe.” Indi vatii nzia ingi, na uu wi w’oka no w’o utonya kwika ni kana utangiwe. Kwondu wa nzia isu, andu aingi nimaminite kutangiwa ni Mwiaii Yesu Klisto. Uu ni kwianana na Maandiko; na uu niw’o uvango wa Ngai. Munyanyawa itikila, na ukika kwianana na uu, umunthi. Umunthi now’o muthenya wa kutangiwa: oyu tui.

“Sisyai, yii niyo ivinda yitikilitwe; sisyai, muthenya wa utangiio no yu,” 2 Akolintho 6:2.

“Ndukekathiie undu wa uni; nundu ndwisi undu muthenya utonya kumilya,” Nthimo 27:1.

Embwa ndunaelewa ni nzia isu ya kutangiwa nayo, ndukaelye kulekya-nthi kavalua kaa: soma ingi muvaka umanye ki undu utonya kutangiwa. Vatii undu ungi unene mbee wa uu, kuu nthi, na thayu waku ni kindu kya vata muno. “Nundu mundu aunwa ni kyau, o na akosa nthi nima na akyasya thayu wake? Nundu mundu akakuan’ya thayu wake na kyau?” Maliko 8:36,37.

Ika kumanya ki kana wi MUTANGIIE. WI NA VATA WA UTANGIIO MBEE WA MAUNDU ALA ANGI ONTHE. WAASYA THAYU WAKU, NIWAASYA KUTHI ITUNI, NA WAASYA SYINDU SYONTHE. NGAI AUTETHYE NI KANA UTANGIWE UMUNTHI.

Ngai akakutangia na akakusuvia. “Mutyaakwatwa inyw’i ni matatwa ate o ala mundu utonya kumomiisya: indi Ngai e kithito, na ndakamueka mutatwe kuvituka vinya wenyu; indi vamwe na kutatwa akamantha nzia ya kuthonoka, ni kana mutonya kumomiisya,” 1 Akolintho 10:13.

Ika o KUUNGAMA MATHONI MA NGAI, ni mo mataalyukaa: syindu na maundu ala angi nimaalyukaa. WAMINA KUTANGIWA, VE MAUNDU ATATU WAILITE KWIKAA KILA MUTHENYA: NI KANA WIANE THAYUNI VOYAA: uu ni kuneena na Ngai waku; SOMAA MBIVILIA YAKU: uu ni Ngai akineena naku; KUSIAA: uu ni kuneena kwondu wa Ngai. “Kila mundu indi wimbumbula mbee wa andu, nakwa ngamumbula mbee wa Asa wakwa ula wi ituni,” Mathayo 10:32.

KIK #150 landikitwe ni Ford Porter